

五分律

第九

三百八  
甲九


5-0034



皇國  
佛日  
山  
安寺  
法金  
剛  
轉  
昌

二十  
月  
重  
脩

藏  
金  
剛



彌沙塞部五分律卷第九

卑

宋靈賓三藏佛陁什共竺道生等譯

初分單提法之四

佛在拘舍彌國。爾時世尊未制比丘飲酒。有諸比丘於酒肆中。或白衣家飲酒。大醉或墮坑塹。或突壁物。或破衣鉢。傷壞身體。諸白衣

見譏呵言。我等白衣。尚有不飲酒者。沙門釋子捨累求道。而皆洪醉。過於俗人。空著壞色。割截之衣。無沙門行。破沙門法。爾時世尊從拘舍彌國往跋陀越邑。時彼編髮梵志住處。有一毒龍。常雨大雹。壞諸田苗。彼諸居民。常作是念。沙門。彼羅門中。誰有或德能降此龍。



者聞佛與千二百五十弟子俱來此邑莫不  
歡喜皆出奉迎頭面禮足白佛言世尊此邑  
常有一惡毒龍破壞田苗我恒願得大威德  
人而降伏之時娑竭隨在佛後扇佛佛即顧  
問汝聽此諸居士所說不答言聽第二第三  
問答亦如是娑竭陀作是念世尊反覆三問  
已爲勅我降此惡龍即前禮佛足右遶而去  
向彼龍所作是念我今當降此龍令不壞形  
而使其身微細如楮即入其室却坐一面龍  
身便出烟娑竭隨身亦出烟龍舉身火然娑  
竭隨亦舉身火然龍火出五色娑竭隨火亦  
出五色於是化龍身令如楮內著鉢中持至

佛所白。佛言。此惡毒龍。今已降伏。當著何處。  
佛言。可著世界中。中間娑竭。隨受教。如人屈伸。  
臂頃。持著世界中。間須臾。便還。於是世尊。從  
跋陀越邑。欲還拘舍弥。時跋陀越邑諸居士。  
聞娑竭。隨降伏。惡龍皆大歡喜。問諸比丘。誰  
是娑竭。隨時娑竭。隨在佛後。諸比丘言。佛後  
者。是諸居士。即前禮足。白言。願受我請。默然  
受之。諸居士言。大德。須何等食。答言。我白衣  
時。性好酒肉。居士歡喜。即為辦之。娑竭。隨往。  
到其家。食肉飲酒。極飽滿。已還拘舍弥。於僧  
坊外。醉卧吐泄。衣鉢蹤橫。於時世尊。天眼遙  
見。告阿難。共汝僧坊外。看受教。從佛出外。見

之佛與阿難舉還著井邊佛自汲水使阿難  
洗著衣卧繩床上令頭向佛須臾轉側伸脚  
踏佛佛以是事集比丘僧問諸比丘婆竭  
先敬佛不荅言敬又問今能敬不荅言不能  
又問應飲是酒失本性不荅言不應又問婆  
竭隨先能伏惡龍今能降蝦蟆不荅言不能  
諸比丘復以前事具白世尊佛以彼此因緣  
種種呵責諸比丘已告諸比丘今為諸比丘  
結戒從今是戒應如是說若比丘飲酒波逸  
提時婆竭隨佛制戒已不敢復飲以先習故  
氣絕欲死飲食不消不知云何以是白佛佛  
言今嗅酒器嗅酒器不差佛言以酒著甌中

若羹粥中令噉猶不差佛言聽以酒與之  
娑竭隨得已便差即以白佛佛言已差應漸  
漸斷之乃至嗅酒器不復惡者不得復嗅有  
酒酒色酒味酒香有酒酒色酒香無酒味有  
酒酒色酒味無酒香有酒無酒色香味飲令  
人醉若飲皆波逸提有非酒酒色酒味酒香  
飲使人醉若飲突吉羅有非酒酒色酒香酒  
味不令人醉欲飲聽屏處飲若比丘飲酒咽  
咽波逸提比丘尼亦是式叉摩那沙弥沙  
弥尼突吉羅七五十一  
佛在舍衛城尔時六羣比丘不敬和上阿闍  
梨不敬戒有諸比丘亦効如是諸長老比丘

見種種呵責以是白佛佛以是事集比丘僧  
問六羣及諸比丘汝等實余不荅言實余世  
尊佛種種呵責已告諸比丘今為諸比丘結  
戒從今是戒應如是說若比丘輕師波逸提  
若比丘輕三師及戒一波逸提若輕餘比  
丘突吉羅乃至師令掃地不掃教順掃而逆  
掃皆突吉羅比丘尼亦是式叉摩那沙弥  
沙弥尼突吉羅五十八竟  
佛在拘薩羅國與大比丘僧五百人俱向阿  
荼脾邑時彼諸比丘聞佛當來無有堂舍便  
共自作伐草掘地乃至佛種種呵責如上作  
講堂中說告諸比丘今為諸比丘結戒從今



是戒應如是說若比丘自掘地取土波逸提  
時六羣比丘使守園人沙彌掘地取土諸比  
丘見言佛制不得掘地汝今云何作此惡業  
荅言我使人掘諸比丘言使人掘自掘有何  
等異以是白佛佛以是事集比丘僧問六羣  
比丘汝實尔不荅言實尔世尊佛種種呵責  
已告諸比丘從今是戒應如是說若比丘自  
掘地若使人掘波逸提有諸白衣送物為僧  
作房久久來視見房不成問作房比丘何不  
為我速成此福荅言佛不聽我等自掘地使  
人掘云何得成以是白佛佛以是事集比丘  
僧告諸比丘若須上應語淨人言知是看是

我須是與我是從今是戒應如是說若比丘  
自掘地若使人掘言掘是波逸提比丘尼亦  
如是式叉摩那沙弥沙弥尼無事掘地突吉  
羅若取燥土不犯

五十九竟

佛在舍衛城尔時六羣比丘與諸比丘共鬪  
共鬪已在戶外聽語聽已諸比丘言汝何以  
作如是語問言汝從誰聞荅言我在戶外聽  
諸長老比丘聞種種呵責以是白佛佛以是  
事集比丘僧問六羣比丘汝等實尔不荅言  
實尔世尊佛種種呵責已告諸比丘今為諸  
比丘結戒從今是戒應如是說若比丘於屏  
處默聽他比丘所說波逸提時諸比丘與比

比丘諍理辯是非有比丘隔壁聽生疑我故當  
不犯波逸提耶或有出罪悔過者以是白佛  
佛以是事集比丘僧告諸比丘若比丘默聽  
諍理辯是非犯波逸提者無有是處從今是  
戒應如是說若比丘共諍已默聽作是念諸  
比丘所說我當憶持波逸提默聽比丘尼式  
又摩那沙沙彌沙彌尼語突吉羅比丘尼聽比  
丘比丘尼語波逸提聽式又摩那沙沙彌沙  
尼語突吉羅式又摩那沙沙彌沙彌尼默聽五  
衆語突吉羅

六十  
竟

佛在舍衛城尔時十七羣童子父母愛念母  
作是言我子不串勤苦體性軟弱教何技術

得無安樂父言當教筭計書畫母言若教書  
畫恐壞其眼若筭恐其指痛若計恐其心痛  
復共議當使於釋子中出家現世無為後世  
長樂彼十七羣童子欲出家共相語言我要  
當待優波離來與共辭別時優波離行還到  
諸童子所諸童子言汝知不我等欲於如來  
法中出家待汝辭別優波離聞亦樂共去還  
白父母父母即聽作是念當令誰作師又作  
是念畢陵伽婆蹉從賊中拔其將還今當與  
為弟子便各將其子詣畢陵伽婆蹉白言大  
德大德於此兒有大恩今以奉給願納為弟  
子畢陵伽婆蹉即便度之與受具足戒既受

戒已夜不能獨至廁上及洗手處恒自送之  
有時闇中見師不識便謂是鬼失聲大喚言  
毗舍遮毗舍遮師言莫怖是我非鬼也或夜  
索食師言僧有食曉當與汝又問僧若無食  
當何處得師言僧若無當乞食闇是語已便  
大啼言比丘乞食還我等已死佛夜聞之即問  
阿難是誰啼聲阿難具以白佛佛以是事明  
且集比丘僧問畢陵伽婆蹉汝實亦不荅言  
實亦世尊佛種種呵責汝不應與未滿二十  
人受具足戒未滿二十多所不堪致有破戒  
呵已告諸比丘今爲諸比丘結戒從今是戒  
應如是說若比丘與不滿二十歲人受具足

戒波逸提。爾時童子迦葉不滿二十受具足。戒後方生疑。不知云何以是白佛。佛以是事。集比丘僧問諸比丘童子迦葉有所得不答。言得須隨。洎佛言此人乃是第一受具足戒。然不名白四羯磨如法受戒。今聽數胎中年足爲二十。若猶不滿。又聽以閏月足。若復不滿。又聽以沙門年足。從今是戒應如是說。若比丘知不滿二十歲與受具戒波逸提。是人不得戒。諸比丘亦可呵。是法應爾。未滿二十未滿二十。想未滿二十。疑波逸提。滿二十未滿。想滿二十。疑突吉羅。若知不滿二十。生念欲與受具戒。及作方便至第四羯磨未竟。皆

突吉羅第四羯磨竟和上波逸提餘師僧突

吉羅

六十一  
竟

佛在拘薩羅國與大比丘僧五百人俱向迦  
維羅衛城諸釋種聞佛從彼國來共立制若  
不出迎佛罰金錢五百便各將大小出迎世  
尊頭面禮足却住一面佛為說法示教利喜  
共請佛及僧夏四月安居世尊默然許之諸  
人各隨力設供或一家作一日乃至十日或  
二家共作一日乃至十家或但作前食或但  
作復食或但作怛鉢那或但作粥或作浴者  
作過中飲者或施塗身油及塗足然燈油者  
余時釋摩男不在未有受其施者問左右父

言竟誰受我施。荅言未有受者。又問佛及僧未受何等施。荅言惟未受藥。便請佛及僧施。夏坐藥。或自送。或使人送。又到六羣比丘所言。大德。須藥。恣意來取。六羣比丘作是念。今王請佛及僧安居。四月給藥。或使人送。乃至自送。而令我等自往取之。觀王此心。是輕我等。我等當伺其五親會時。從索最難得藥。彼必不辦。使其著耻。復作是念。此王福德。或能無藥。不有先當訪索人。所無者。然後從乞。即訪索之。惟無一種。於是伺王五親會時。便從其乞。王即令人國中遍覓。悉不能得。王語六羣比丘。諸處求索。絕不可得。六羣比丘便語。



主言王自請佛及僧四月給藥而今不能與  
我一種王言大德非不欲與亦非無物但訪  
索此藥絕不可得又四月已過何爲相苦六  
羣比丘便於衆前折辱王言先請我等隨所  
求藥而今不能得此一種餘比丘聞問六羣  
比丘汝說何等六羣比丘以實而荅諸比丘  
種種呵責以是白佛佛以是事集比丘僧問  
六羣比丘汝等實尔不荅言實尔世尊佛種  
種呵責已告諸比丘今爲諸比丘結戒從今  
是戒應如是說若比丘受四月自恣請若過  
是受波逸提尔時諸比丘得秋時病釋摩男  
入房見之問言大德所患何等荅言我得秋

病即請諸比丘言可從我取藥諸比丘言不  
先請四月於今已過佛不聽我過此受藥王  
即更請一月諸比丘言佛未聽我更受請不  
知云何以是白佛佛以是事集比丘僧告諸  
比丘今聽諸比丘更受一月請從今是戒應  
如是說若比丘受四月自恣請過是受除更  
請波逸提又諸居士來僧房看見諸比丘得  
秋病問言須何等藥我當送之諸比丘言佛  
未聽我等受自送藥不知云何以是白佛佛  
以是事集比丘僧告諸比丘今聽諸比丘受  
自送請從今是戒應如是說若比丘受四月  
自恣請過是受除更請自送請波逸提時釋

摩男作是念六羣比丘以藥故於衆人前折  
辱我我今寧可多集諸藥即多集之集已作  
是念如我此藥盡壽用之不能令盡我今當  
請諸比丘盡壽與藥即往長請諸比丘諸比  
丘言佛未聽我等受長請不知云何以是白  
佛佛以是事集比丘僧告諸比丘今聽諸比  
丘受長請從今是戒應如是說若比丘受四  
月自恣請若過是受除更請自送請長請波  
逸提若人施僧藥佐助衆事比丘應問此藥  
當留聚落中爲著僧坊內若言留著聚落中  
須時應語我須如是藥爲我辦勿使有乏若  
言著僧坊內應著中央房令取易得僧應作

白二羯磨一比丘唱言大德僧聽今以其房  
安僧藥若僧時到僧忍聽白如是大德僧聽  
今以其房安僧藥誰諸長老忍默然若不忍  
者說僧已用某房安僧藥竟僧忍默然故是  
事如是持諸比丘不知誰應守僧藥以是白  
佛佛言僧應白二羯磨差一比丘作守藥之  
一比丘唱言大德僧聽今差某甲比丘為僧  
作守藥人若僧時到僧忍聽白如是大德僧  
聽今差某甲比丘為僧作守藥人誰諸長老  
忍默然誰不忍者說僧已差某甲比丘作守藥  
人竟猶忍默然故是事如是持時諸比丘差  
無智比丘不堪守藥以是白佛佛言不應若

無智比丘若成就五法應善作守僧藥人何  
等五不隨愛恚癡畏知藥非藥彼守僧藥比  
丘應以新器盛呵梨勒阿摩勒鞞醯勒畢跋  
羅乾薑甘蔗糖石蜜若器不漏應盛酥油蜜  
應持皮結口題上作藥名若病比丘須者應  
歡喜與若病者自知須此藥應自取服若不  
知應問醫若無醫應問和上阿闍梨我如是  
如是病應服何藥若和上阿闍梨不知應取  
藥再三服不差復應取餘藥服比丘尼亦如  
是式又摩那沙彌沙彌尼突吉羅六十  
佛在舍衛城尔時六羣比丘數數犯戒諸比  
丘諫言汝等數數犯戒當自見罪如法悔過

莫以此行負人信施長夜受苦六羣比丘言  
我不學是戒我當先問持法持律智慧勝汝  
者諸比丘種種呵責以是白佛佛以是事集  
比丘僧問六羣比丘汝等實尔不答言實尔  
世尊佛種種呵責汝愚癡人不應作此惡業  
諸比丘欲不與汝共布薩自恣作諸羯磨愍  
念汝故如法諫汝汝云何言我不學是戒我  
當先問持法持律智慧勝汝者呵責已告諸  
比丘今為諸比丘結戒從今是戒應如是說  
若比丘數數犯罪諸比丘如法諫作是語我  
不學是戒當問餘比丘持法持律者波逸提  
比丘欲求解應問持法持律者是法應令持

法者誦佛所說法持律者有五事一者誦四  
事至二不定法二者誦四事乃至三十事三  
者廣誦二百五十戒四者廣誦二部戒五者  
廣誦一切律若比丘不誦戒非安居時應依  
前四種持律安居時要應依廣誦一切律者  
若不依突吉羅比丘尼亦如是式叉摩那沙

彌沙彌尼突吉羅

六十一  
三竟

佛在舍衛城尔時六羣比丘數數犯戒諸比  
丘諫乃至莫不長夜受苦皆如上說六羣比  
丘問言佛於何處制此法諸比丘言汝不知  
耶荅言不知諸比丘言今當語汝制法處所  
於說戒時便語言佛於此中制法六羣比丘

言我今始知是法半月布薩戒經中說諸比丘種種呵責以是白佛佛以是事集比丘僧問六羣比丘汝等實尔不荅言實尔世尊佛種種呵責已告諸比丘今為諸比丘結戒從今是戒應如是說若比丘說戒時作是語我今始知是法半月布薩戒經中說諸比丘知是比丘已再三說戒中坐是比丘不以不知故得脫隨所犯罪如法治應呵其不知所作不善說戒時不一心聽不著心中波逸提若比丘與比丘受具足戒即應教為廣說若二若三於說戒中坐若知若不知作是語波逸提比丘尼亦如是



佛在舍衛城。尔時諸比丘數入波斯匿王宮。見諸美女生染著心。不樂修梵行。或有及俗作外道者。諸大臣見作是言。王何以不深藏宮女。乃使種種異姓見之。尔時阿難常受王供養。晨朝著衣持鉢入於後宮。時王與末利夫人同寢未起。夫人見阿難來。即便狼忙被衣下床。所被之衣極細而滑。不覺墮落。慙羞蹲地。王便譏呵言。我王事鞅掌。昏夜寢息。起不得早。如何比丘晨朝徑來。阿難慙耻。即還佛所。具以諸比丘入宮及已事白佛。佛以是事集比丘僧。問諸比丘。汝等實尔不。答言實尔。尔世尊佛復自說阿難事種種。呵責告諸比

丘入王後宮有十過失一者若王醉時近餘  
宮女醉醒便忘彼忽有身必疑比丘于宮  
女見比丘或有戲笑疑有情故三者若王有  
密謀外人得知便當疑是比丘所傳四者若  
王宮內亡失寶物便當疑是比丘所取五者  
若奪一臣位外人必言由比丘故六者若有  
遭罪外人必疑比丘所爲七者若有宋應得  
官而王與之亦復疑是比丘之力八者若王  
好出遊觀勞費事多亦復疑嫌比丘使然九  
者宮內多諸美色珍玩服飾比丘見之必生  
染著犯戒反俗十者若幸子中有反逆者必  
復疑是比丘所教呵責已告諸比丘今爲諸

比丘結戒從今是戒應如是說若比丘入王  
宮過門限波逸提時諸比丘佛制戒後便不  
敢踰城門限乞食不知云何以是白佛佛以  
是事集比丘僧告諸比丘今聽入宮但不得  
過後宮門限從今是戒應如是說若比丘入  
王宮過後宮門限者波逸提爾時波斯匿王  
年年與諸宮女出行國界處處皆有離宮別  
館有諸比丘暮至村落求索宿處諸居士言  
王今不在此宮可入中宿王信樂佛法聞必  
歡喜諸比丘不敢便無宿處以是自佛佛以  
是事集比丘僧告諸比丘今聽諸比丘入王宮  
宮宿從今是戒應如是說若比丘王未出寶

未藏寶若入過後內限波逸提寶者所重  
之物及諸女色皆名為寶未出者女在宮中  
未出未藏者女在此宮未使藏隱亦時入後  
宮門限雙脚過波逸提隨入遠近步步波逸  
提若一脚過突吉羅入餘大臣長者家過內  
門限突吉羅沙彌突吉羅若主請入不犯六  
佛在王舍城亦時拘薩羅摩竭二國互相  
掠二國中間道路斷絕王舍城比丘安居竟  
作是念我今正當與賊同伴乃得自致問訊  
世尊設彼忒邏以共賊伴收捉我者波斯匿  
王信樂佛法必不見罪便與賊俱到彼國界  
果為所捉將至邏將言此是賊邏將言

著袈裟者復是何等。言亦是賊比丘便自  
說言我非賊是沙門釋子於王舍城安居竟  
應問訊世尊道路難險故與共伴耳。邏將言  
汝非沙門釋子必假此服來作細作。便送王  
所比丘自說如前王便放之。左右羣臣有不  
信是沙門者言此賊假比丘服。主信樂佛。法  
其於放之諸長老比丘聞種種呵責。以是自  
佛佛以是事集比丘僧問諸比丘汝等實不  
不答言實不世尊佛種種呵責已告諸比丘  
今為諸比丘結戒從今是戒應如是說。若比  
丘共賊伴行波逸提。有諸比丘共賊道路行  
不知是賊。既知便慚愧。謂犯波逸提。或下道。

避之或留在後賊即問言汝何故尔答言佛  
制不聽共汝伴行賊聞是語便大瞋恚打諸  
比丘剥衣赤肉諸比丘還以是白佛佛以是  
事集比丘僧告諸比丘若不知是賊共行犯  
波逸提者無有是處從今是戒應如是說若  
比丘知是賊共伴行波逸提有諸比丘在路  
路行與賊相還復生斬愧謂犯波逸提(實是  
白佛佛以是事集比丘僧告諸比丘若不期  
共賊行道路相遇犯波逸提者無有是處從  
今是戒應如是說若比丘與賊期共伴行波  
逸提有諸比丘與賊期共近道行有不去者  
有從異道者皆生疑我等將無犯波逸提耶

以是白佛佛以是事集比丘僧告諸比丘雖  
與賊期共近道行竟不去及從異道路去犯  
波逸提者無有是處從今是戒應如是說若  
比丘與賊期共道行從此聚落到彼聚落波  
逸提若共惡比丘期行突吉羅比丘尼亦如  
是式又摩那沙彌沙彌尼突吉羅若諸難起  
共期行不犯六六十  
佛在舍衛城爾時諸比丘與女人共道行或  
一比丘與一女人乃至衆多或二比丘乃至  
衆多與一女人乃至衆多共行渡水更相見  
形生染著心或有反俗作外道者諸居士見  
譏呵言沙門釋子共女人同道與將婦行有

何等異誰知此輩行於梵行無沙門行破沙  
門法尔時有一居士數打其婦打已出行婦  
作是念夫數打我密能見殺今當避之於是  
使去出聚落外見一比丘往趣問言大德何  
行荅言欲至某處於是女人便隨後去彼夫  
作是念我向打婦或能自殺即便還家覓之  
不見問隣人言見我婦不皆言不見便出聚  
落見一外道女問言頗見如是如是婦人不  
荅言見沙門釋子將去彼人即急追之及已  
語比丘言何故將我婦走比丘荅言我不作  
惡業汝婦與我同道行耳婦復語夫言勿生  
惡心於此比丘我與同道如親無異夫聞婦



語作是念乃尔相識。已有惡事便打比丘  
垂死乃置彼比丘被打已作是念我今委頓  
不任進路當入火光三昧以自消息使身有  
力然後前進念已收斂衣鉢入火光三昧身  
中出煙彼婦見已語其夫言不信我語觀彼  
比丘身之所出彼比丘須臾舉身洞然婦復  
語言不信我語復觀比丘其身云何彼比丘  
即以此三昧力往到佛所并以前事具白世  
尊佛以是事集比丘僧問諸比丘汝等實尔  
不荅言實尔由尊佛種種呵責已告諸比丘  
今為諸比丘結戒從今是戒應如是說若比  
丘與女人共道行或提有諸比丘共伴行

中道見諸女人亦行此路心生疑悔我等將  
無犯波逸提耶以是白佛佛以是事集比丘  
僧告諸比丘若比丘不期與女人共道行犯  
波逸提者無有是處從今是戒應如是說若  
比丘與女人期共道行波逸提有諸比丘與  
女人期共道行後不敢去或從餘道猶生疑  
悔以是白佛佛以是事集比丘僧告諸比丘  
若比丘雖先與女人期共道行竟不去或從  
餘路去犯波逸提者無有是處從今是戒應  
如是說若比丘與女人期共道行從此聚落  
到彼聚落波逸提比丘尼亦如是式叉摩那  
沙彌沙彌尼突吉羅

佛在拘薩羅國與大比丘僧千二百五十人  
遊行人間諸比丘或得屋中或在樹下或在  
露地時六羣比丘共十七羣比丘大聚薪草  
露地然火在邊坐炙時有一蛇從木孔出諸  
比丘見以物擲之蛇即還入得熱復出諸比  
丘復更擲之蛇復還入須臾復出擲一比丘  
齧之即死諸比丘圍遶帝位諸長老比丘問  
汝等何故啼泣荅言此比丘為蛇齧命過具  
說上事諸長老比丘種種呵責汝等去何見  
蛇再三出猶故不避致令齧死以是白佛佛  
以是事集比丘僧問六群諸比丘汝等實尔  
不荅言實尔世尊佛種種呵責已告諸比丘

今為諸比丘結戒從今是戒應如是說若比  
丘然火波逸提時六群比丘使守園人沙彌  
然火諸長老比丘見呵責言汝豈不聞佛制  
不得然火耶荅言我使守園人沙彌然非為  
有犯諸比丘言自然使人然有何等異以是  
白佛佛以是事集比丘僧問六群比丘汝實  
亦不荅言實亦世尊佛種種呵責已告諸比  
丘從今是戒應如是說若比丘自然火若使  
人然波逸提有諸病比丘問醫醫言應服如  
是藥然火洗浴病比丘言佛不聽我自然火  
及使人然願更教我服於餘藥醫言太德正  
應服此藥然火洗浴諸比丘作是念佛若聽

我自然火若使人然病乃得差以是自佛佛  
以是事集比丘僧告諸比丘今聽病比丘然  
火若使人然從今是戒應如是說若比丘無  
病若自然火若使人然波逸提有諸比丘須  
煮羹粥不敢然火以是自佛佛以是事集比  
丘僧告諸比丘今聽諸比丘煮羹粥不得為  
炙從今是戒應如是說若比丘無病為炙故  
然火波逸提諸比丘欲熏鉢然火及遮惡獸  
然燈燭不知去何以是自佛佛以是事集比  
丘僧告諸比丘今聽諸比丘有如是因緣自  
然火若使人然從今是戒應如是說若比丘  
無病為炙故自然火若使人然波逸提若為

忽然火炎高乃至四指波逸提比丘尼亦如

是式义摩那沙弥沙弥尼突吉羅六十八竟

佛在舍衛城尔時諸比丘往知識家見嚴身

寶捉看還著故處後為人所偷主還覓之不

知所在有人言我見比丘捉便往問比丘言

我失如是如是寶比丘見不荅言我向捉還

著故處主言從比丘捉便不復見可以還我

比丘荅言我實不取主不信便與比丘作惡

名聲尔時有一外道囊盛五百金錢到水邊

飲忘不持去有一比丘從後來見作是念此

是誰物即四顧望見前一人便作是念必是

彼許當持還之即取持去彼人未遠還憶念

金囊即便馳還比丘問汝何故還彼人便瞋  
言不吉利物何以問我比丘言縱使我不吉  
利汝應語我還意彼人便言我忘一囊在水  
邊故還覓耳比丘即出示之此是汝囊非彼  
人既見囊已復更瞋言不吉利物何以捉我  
囊汝小住待我數囊中物比丘荅言我竟不  
解此囊亦不看之若欲取者豈當示汝恐汝  
失之故持相還耳彼人復言我囊中有千金  
錢今少五百可以還我比丘荅之如初彼人  
便強牽比丘到斷事人所時斷事人不信樂  
佛法便非理斷即取反縛打驢鳴鼓於四衢  
道頭欲殺之時波斯匿王在高樓上遙見問

左右言彼是訖。答言是沙門釋子。王即執將  
還斷事處。吾當自出。即出問彼人。汝何以苦  
此比丘。答言如上。白王。王復問比丘。比丘亦  
如上。答王。王問彼人。此實汝囊。非答言是。王  
即以五百金錢盛彼囊中。而囊不受。王復語  
言。汝云囊中有千金錢。今何故不受。彼人便  
自首言。本實五百。我瞋故誣比丘耳。王即問  
斷事者。若人面欺王。當與何罪。斷事人言。此  
人應死。財物沒官。王即用此法籍取其財。反  
縛此人。打驢鳴鼓於四衢道頭。殺之。有人語  
言。汝誣沙門釋子。應受此罪。若復誣謗。後當  
劇是。或復有言。沙門釋子有曾取我寶。恐今



是實時比丘白王言願賜此人命勿令佛法  
致惡名聲王即放之呵責斷事人言若後復  
有如此斷事當如向治汝諸不信樂佛法者  
種種譏呵我等俗人猶耻捉寶沙門釋子何  
故復尔無沙門行破沙門法諸長老比丘聞  
種種呵責以前後事具白世尊佛以是事集  
比丘僧問諸比丘汝等實尔不荅言實尔世  
尊佛種種呵責已告諸比丘今為諸比丘結  
戒從今是戒應如是說若比丘若捉寶若寶  
等物波逸提尔時毗舍佉母著極上寶嚴身  
之具與諸親里遊戲園林林近祇桓觀察衆  
人歡暢未已作是念我今不宜同此放逸幸

可因此問訊世尊便將婢詣祇桓到門復作  
是念我今不宜著此飾好覲於世尊即脫寶  
衣著於塹邊時舍利弗經行遙見毗舍佉母  
前禮佛足却住一面佛為種種說法示教利  
喜須臾而退係念所聞忘所著寶還城門閉  
後乃憶之作是念若我語人失此寶者或損  
佛法默然至曉時舍利弗以是白佛佛告舍  
利弗汝往取來受教即取語舍利弗明日晨  
朝自送還之受教即送毗舍佉母讚言善哉  
我有如是大師及同梵行若餘外道得此物  
者何緣還我我昨夜已捨今應平之即持施  
四方僧白舍利弗可以此作招提僧堂舍利

弗不教受以是由佛佛言受。復有諸居士  
五日一入僧坊問訊或脫指環或脫耳寶去  
時皆忘諸比丘見不敢取有異人見便取持  
去諸居士還入僧坊求覓問諸比丘我失如  
是如是寶比丘見不答言我見不敢取諸居  
士言大德見之如何不取可以還我出家之  
大何須此物答言我實不取彼遂不信便與  
比丘作惡名聲復有諸比丘共伴行一處宿  
伴中有忘物去者比丘見不敢取餘人取之  
諸伴問比丘我失如是如是物大德見不答  
言我見不敢取諸伴言大德見之如何不取  
所以還我出家大人何須此物答言我實不

或彼遂不信便與比丘作惡名聲諸比丘作  
是念若世尊聽我等於僧坊內及宿處若自  
取寶若使人取者居士可不失寶亦使我等  
不致惡名以是白佛佛以是事集比丘僧告  
諸比丘今聽諸比丘於僧坊內若宿處自取  
寶若使人取從今是戒應如是說若比丘若  
寶若寶等物若自取若教人取除僧坊內及  
宿處波逸提若僧坊內及宿處取寶寶等物  
後有主索應是事應尔寶者真珠摩尼瑠  
璃珂王金銀寶等物者一切餘物僧坊內者  
僧住處屬僧地宿處者僧坊外他家宿及共  
伴行野宿處比丘僧坊內見物應使淨人取

若無淨人應自取舉之若有人索應集僧問其所失物相然後還之若取舉已欲餘行者應囑後人若比丘到他家見有物應使淨人舉若無淨人應自舉若有人應即囑此人而去若無人應呼主人出付囑然後去比丘共伴同道行若見物應使淨人取若無淨人應自取還之還時應集衆人先問汝失物不若言失應問何物若如其語然後還之若與伴別道行而不相及至聚落應寄信樂優婆塞還之比丘尼亦如是式叉摩那沙彌沙彌尼

突吉羅

六十九竟

佛在王舍城舍特諸比丘日再三浴多用澡

豆諸居士見譏呵言此諸比丘數數浴所用  
澡豆如王大臣其本出家欲求解脫不念誦  
經惡露等觀而反日夜修飾身體無沙門行  
破沙門法時有相師語瓶沙王言尋當有一  
不吉星出王應在某泉水中浴以攘其災若  
遂尔者或致失國或憂身命王便勅左右料  
理彼泉即受教往見諸比丘滿中洗浴還以  
白王王言待比丘浴竟如是晝夜各三遣衆  
一去一來都無空缺婆羅門復語王言此星  
垂出若出後浴便無所益王聞此語即嚴駕  
出到泉水所於下流浴諸臣以此譏呵沙門  
釋子不知時宜不勤不念觀身惡露但恣修

飾洗浴身無沙門行破沙門法諸長老比丘聞種種呵責以是白佛佛以是事集比丘僧問諸比丘汝等實不答言實不世尊佛種種呵責已告諸比丘今為諸比丘結戒從今是戒應如是說若比丘半月內浴波逸提一百諸病比丘醫言洗浴乃差諸比丘言佛不聽我等數浴願思餘方醫言唯有洗浴更無餘治諸比丘作是念佛聽病時數浴者我病便差復有諸比丘種種作泥土汗身衣被垢穢以此益疲作是念佛聽作時數浴者疲極必差衣被淨潔復有諸比丘在路行疲極欲洗浴而不一作是念佛聽行路時數一浴者

疲極得差復有諸比丘風雨塵坌泥汗衣服  
作是念佛聽風雨塵坌泥汗時數洗浴者可  
得不爲塵泥所汙春餘一月半夏初一月諸  
比丘熱悶汗出作是念佛聽熱時數洗浴者  
可無此患各以白佛佛以是事集比丘僧告  
諸比丘今聽諸比丘病時作時行路時風雨時  
熱時數洗浴無犯從今是戒應如是說若比丘  
半月內浴除因緣波逸提因緣者病時作時  
行路時風雨時熱時是名因緣病時者疾病  
須浴作時者料理種種事乃至掃房內地行  
路時者一由旬二由旬乃至行半由旬風雨  
時者爲風雨塵泥之所汙泥熱時者熱悶汗



出比丘也亦如是式叉摩那沙弥沙弥足突  
吉羅若洗浴師及病人身體已濕因浴不犯

七十  
竟

佛在舍衛城尔時十七羣比丘作新房六羣  
比丘欲在中住駢十七羣比丘十七羣比丘  
不肯出便打之彼即大喚諸長老比丘問何  
故大喚荅言六羣比丘打我諸長老比丘種  
種呵責以是白佛佛以是事集比丘僧問六  
羣比丘汝等實尔不荅言實尔世尊佛種種  
呵責已告諸比丘今為諸比丘結戒從今是  
戒應如是說若比丘打比丘波逸提有比丘  
食噎倩比丘椎背諸比丘不敢便死以是白

佛佛以是事集比丘僧告諸比丘若比丘不  
以瞋心打比丘犯波逸提者無有是處從今  
是戒應如是說若比丘瞋故打比丘波逸提  
若打比丘尼式叉摩那沙彌沙彌尼餘人及  
畜生突吉羅若比丘打比丘比丘尼波逸  
提打式叉摩那沙彌沙彌尼餘人及畜生突  
吉羅式叉摩那沙彌沙彌尼打五衆餘人及  
畜生突吉羅七十  
一竟  
佛在舍衛城介時六羣比丘復來十七羣比  
丘房中求住彼不肯出便以手擬如打相彼  
復大喚諸長老比丘聞出問汝何故大喚荅  
言六羣比丘欲打我諸長老比丘種種呵責

以是白佛佛以是事集比丘僧問六羣比丘  
汝等實不答言實不世尊佛種種呵責已  
告諸比丘今為諸比丘結戒從今是戒應如  
是說若比丘以手擬比丘波逸提有諸比丘  
說法時以手語或示處所便生疑悔我將無  
犯波逸提耶以是白佛佛以是事集比丘僧  
告諸比丘若比丘不以瞋心手擬比丘犯波  
逸提無有是處從今是戒應如是說若比丘  
瞋故以手擬比丘波逸提若擬手及波逸提  
擬手不及突吉羅餘如上打比丘中說二十七  
佛在舍衛城爾時十七羣比丘受所作房六  
羣比丘以上座故次入中住彼便避在左右

房六羣比丘作是議言十七羣比丘慙愧甚  
慎逼近我住必見我過我等當作方便令其  
遠去便往語言此先是空房多有恐怖事汝  
等莫於中住十七羣比丘言我堅閉戶何所  
應畏六羣比丘於夜闇中作種種恐畏相明  
旦問十七羣比丘汝等昨夜得安眠不荅言  
我等聞恐畏相閉戶思惟都無所畏六羣比  
丘復共議言我等不能以此令其恐怖當伺  
其出外入其床下即便盜入於夜闇時或牽  
其衣或牽其脚或舉其床移著異處於是十  
七羣比丘便大驚喚諸長老比丘來問何故  
大喚荅言此間不應有賊不知誰牽我衣

牽我脚誰舉我床移著異處諸長老比丘即  
持火照見六羣比丘蹲其床下問言汝等何  
為在此荅言欲恐怖十七羣比丘諸長老比  
丘種種呵責以是曰佛佛以是事集比丘僧  
問六羣比丘汝等實尔不荅言實尔世尊佛  
種種呵責已告諸比丘今為諸比丘結戒從  
今是戒應如是說若比丘恐怖比丘波逸提  
有客比丘問舊比丘言此房中應何所畏或  
不敢語或語已生疑懼犯波逸提罪以是白  
佛佛以是事集比丘僧告諸比丘若比丘不  
故恐怖比丘犯波逸提無有是處從今是戒  
應如是說若比丘故恐怖比丘波逸提餘如

打比丘中說三十一

佛在舍衛城。尔時達摩比丘作是念。跋難陀先奪我衣。佛由是呵責我。為諸比丘結戒。我今當於僧中說其犯。僧伽婆尸沙。念已。即往。上座比丘所。語言跋難陀。與女人身相觸。麁惡語讚歎。自供養身。諸比丘問汝云。何知。答云。我共行。見作此事。諸長老比丘呵責言。汝云。何不瞋時。覆藏瞋便發露。呵已。以事白佛。佛以是事集比丘。僧問達摩。汝實尔不。答言。實尔。世尊。佛種種呵責已。告諸比丘。今為諸比丘結戒。從今是戒。應如是說。若比丘覆藏比丘。麁罪。波逸提。有諸比丘不知他所犯。是

麁罪後乃知之生疑悔我將無犯波逸提耶  
以是白佛佛以是事集比丘僧告諸比丘若  
不知比丘所犯是麁罪犯波逸提無有是處  
從今是戒應如是說若比丘知比丘犯麁罪  
覆藏過一宿波逸提若從平旦至明相未出  
一小時突吉羅明相出波逸提沙弥突吉羅

若欲說無人若恐難起覆藏不犯

七十四竟

佛在舍衛城今時跋難陀作是念達摩比丘  
許我共行以衣與之既不肯去還取其衣世  
尊以此見責為諸比丘結戒彼後復出我罪  
我今當以無根僧伽婆尸沙謗之作是念已  
語諸長老比丘言我實觸女人身作麁惡語

自歎供養身達摩比丘亦復如是諸比丘問  
汝去何知荅言我共行見諸比丘呵責言汝  
去何以無根僧伽婆尸沙謗比丘以是白佛  
佛以是事集比丘僧問跋難陀汝實尔不荅  
言實尔世尊佛種種呵責已告諸比丘今為  
諸比丘結戒從今是戒應如是說若比丘以

無根僧伽婆尸沙謗比丘波逸提謗比丘尼  
式叉摩那沙弥沙弥尼突吉羅比丘尼謗比  
丘比丘尼波逸提謗式叉摩那沙弥沙弥尼  
突吉羅式叉摩那沙弥沙弥尼謗五眾突吉

羅

七十  
五竟

佛在舍衛城尔時跋難陀作是念達摩比丘



許我共行乃至復出我罪亦如上說我以無  
根僧伽婆尸沙謗之不能有損我今當復以  
餘事治之便至其所語言汝是我弟子我是  
汝師汝先犯我我亦犯汝今共和解勿復相  
嫌便可如先共至諸家食多美食彼即和解  
隨從而行跋難陀輒將至無食處有來請者  
便眴眼手語作相令去籌量已還寺不復及  
中便發遣之語言此今無食汝可還寺彼既  
去已至所請家食多美食達摩還寺遂不及  
中跋難陀食後還歸問達摩言汝及食不答  
言不及復詐慰喻言汝今雖失一食明當令  
汝得極美者明日所往亦復如上如是至三

諸達摩言我比丘將汝所詣皆是得美食處而  
不得之恐是汝先人所責天神所忿或復是  
汝罪業所致勿惑於我汝可速歸及中至寺  
達摩馳還復不及中積日飢羸不復能起跋  
難陀食後還至所住復問汝及食不答言不  
及便語言汝欺誑師應如是治汝後若復作  
當使劇是達摩於是始覺師詐大喚瞋言云  
何比丘作是欺誑使我三日絕食殆死諸長  
老比丘問汝何故大喚荅言跋難陀三日惱  
我使我絕食諸長老比丘種種呵責以是白  
佛佛以是事集比丘僧問跋難陀汝實不  
欺言實不欺尊佛種種呵責已告諸比丘令

為諸比丘結戒從今是戒應如是說若比丘  
語比丘共到諸家與汝多美飲食而不與發  
遣令還波逸提有諸比丘將諸比丘共至諸  
家不能得食生慙愧心作是念我將無犯波  
逸提耶以是白佛佛以是事集比丘僧告諸  
比丘若比丘不為惱他不得食犯波逸提無  
有是處從今是戒應如是說若比丘語彼此  
比丘共到諸家與汝多美飲食為惱故不與發  
遣令還波逸提有諸比丘將看病比丘到諸  
家為病比丘請食恐病人失中遣令速還既  
發遣已便生慙愧我故當不犯波逸提耶以  
是白佛佛以是事集比丘僧告諸比丘若比

並不為獨食故發遣他比丘犯波逸提無有  
是處從今是戒應如是說若比丘語彼比丘  
共到諸家與汝多美飲食既到不與作是言  
汝去共汝若坐若語不樂我獨坐獨語樂欲  
令彼惱波逸提若比丘作此惱比丘尼式又  
摩那沙彌沙彌尼乃至畜生突吉羅若比丘  
尼作此惱比丘比丘尼波逸提惱式又摩那  
沙彌沙彌尼乃至畜生突吉羅式又摩那沙  
彌沙彌尼作此惱五眾突吉羅 七十  
六竟  
佛在舍衛城今時眾多比丘共伴行入拘薩  
羅國遇賊剝脫衣鉢都盡到一邏所邏將問  
言大德何處遇賊荅言某處即與邏人共議

老主聞比丘在我等界遇賊必當罪我便語  
比丘言大德小住我當逐取此賊便出追逐  
須臾及之即便重圍索諸衣物皆悉得之染  
衣白衣各著一處邏人議言當先還誰有人  
言應先還比丘王信樂佛法聞者必喜便語  
比丘言可各取衣諸比丘於衣上生疑惑言  
是我衣或言非我衣遂不敢取邏人問何以  
不取荅言我不自識衣是以不取邏人言次  
識者取於是外道便取比丘好衣比丘後得  
外道惡者邏人知沙門釋子皆著好衣而今  
反得外道惡服語言汝等沙門有何奇特尚  
衣相女何知心若知衣相外道何由得

諸比丘往到佛所以是白佛佛以是  
事集比丘僧更問諸比丘汝實不識衣相不  
答言實尔世尊佛種種呵責已告諸比丘今  
為諸比丘結戒從今是戒應如是說若比丘  
得新衣應三種色作誌若青若黑若木蘭若  
不以三色作誌波逸提若不作誌若著著著

波逸提若不著宿宿波逸提比丘尼亦如是

式叉摩那沙弥沙弥尼突吉羅若新得衣先

已作誌不犯

七十  
七竟

佛在舍衛城今時十七羣比丘衣鉢什物布  
散諸處不得收斂六羣比丘便取藏之彼既

覺六羣比丘言我如是如是物在此在

彼言持去者答言向來人非以故當不持也  
耶即問向者來人皆何處去答言東西南北莫  
知所之時十七羣比丘四出追逐及向來人  
語言我失衣鉢坐具針筒可以還我諸人言  
大德我為法來不為作偷得此語已著慙而  
反六羣比丘問言汝等竟見向來人不答言  
見得衣不答言不得於是六羣比丘出衣鉢  
示之此是汝衣鉢非答言是諸餘比丘見種  
種呵責以是白佛佛以是事集比丘僧問六  
羣比丘汝等實不答言實尔世尊佛種種  
呵責已告諸比丘今為諸比丘結戒從今是  
戒應如是說若比丘自截比丘若衣若鉢坐

其針筒如是一一生活具若使人藏波逸水  
復有比丘不舉衣鉢什物諸比丘不敢為舉  
便失去以此被疑得惡名聲作是念若佛聽  
我等為人舉衣物者彼既不失我等不致此  
惡名聲以是白佛佛以是事集比丘僧告諸  
比丘若不為藏波逸水人舉衣犯波逸提無有

是處從今是戒律如是說若比丘為戲笑故  
藏比丘若衣若鉢坐具針筒如是一一生活具  
若使人藏波逸提若藏比丘尼式又摩那沙  
彌沙彌尼乃至畜生物突吉羅若比丘尼藏  
比丘比丘尼物波逸提藏餘人物突吉羅式  
又摩那沙彌沙彌尼藏五衆物突吉羅



佛在舍衛城。爾時六羣比丘有勢力。餘善比丘無有勢力。六羣比丘遮善比丘。羯磨乃至佛種種呵責。皆如前如法斷事中說。告諸比丘。今為諸比丘結戒。從今是戒。應如是說。若比丘僧斷事時。如法與欲。竟後更呵波逸提。後更呵言。我本不作。如是。若欲若僧不作。

羯磨終身後呵突吉羅。比丘尼亦如是。式叉摩那沙彌沙彌尼突吉羅。七十九竟

佛在舍衛城。爾時諸比丘須一一衣。眾僧已與後時。更得現成三衣。共議言。今此衣應當與誰。或有言。應先與世尊。或有言。應先與大迦葉。大迦葉世尊常所讚歎。又是上座。六羣

比丘言應先與瞿伽梨諸比丘以是白佛佛  
問諸比丘迦葉少多求衣不荅言不求與然  
後取佛因是說偈言

此衣無欲衣

不施有欲者

不能調其意

不任此袈裟

已能離貪欲

於戒常一心

如是調心者

乃應此衣服

佛語諸比丘應以此衣與迦葉即以與之於  
是六羣比丘作是言今諸比丘隨知識迴僧  
物與諸長老比丘聞種種呵責以是白佛佛  
以是事集比丘偈問六羣比丘汝實亦不荅  
言實亦世尊佛種種呵責已告諸比丘今為  
若比丘結戒從今是戒應如是說若比丘作

其高誦比丘隨知識迴僧物與波逸提比丘

尼亦如是式又摩那沙弥沙弥尼突吉羅八十

佛在舍衛城今時達摩比丘作是念跋難陀

先奪我衣佛呵責我為諸比丘結戒我說其

犯僧伽婆尸沙彼復以無根僧伽婆尸沙謗

我又斷我食至于三日我當去何以報此怨

復作是念彼於我間作淨施衣不復還之足

以報耻便不復還跋難陀後從索衣達摩言

師先布施今云何索跋難陀言我作淨施不

作布施猶不還之跋難陀便強奪取彼即大

喚諸長老比丘聞皆出問何故大喚荅言跋

難陀強奪我衣諸長老比丘呵責跋難陀去

何淨施與不可信人而復還奪復呵責達摩  
人淨施汝去何不還以是白佛佛以是事集  
比丘僧問跋難陀汝愚癡人實淨施與不可  
信人不荅言實余世尊復問達摩汝愚癡人  
他實淨施汝汝不肯還不荅言實余世尊佛  
種種呵責已告諸比丘不應淨施與五種人  
一者不相識二者未相諳悉三者未相狎習  
四者非親友同師五者非時類無此五法然  
後可以淨施與之後有二法不應淨施一者  
不能讚歎人二者不能與人作好名稱復有  
二法不應淨施一者不能為人受重物淨施  
護如己有二者已有重物不能淨施彼用不

恨復有二法不應淨施一者不知彼在世以  
不二者不知彼在道以不諸比丘作是念佛  
聽我等淨施便淨施父母兄弟姊妹以是白  
佛佛言不應淨施曰衣應淨施五衆有諸比  
丘獨住房中有長衣不知云何作淨施以是  
問佛佛言應作遙亦淨施若於三衣中須有  
所具應偏袒有肩脫革履跣跣捉衣心生口  
言我此某衣若干條今捨第二第三亦如是  
說然後受所長之衣亦如前法心生口言我  
此某衣若干條受第二第三亦如是說如是  
受已所捨之衣應用淨施復應如前法心生  
口言我此長衣淨施某甲從彼取用若不須

身受者所長之衣應卽如是淨施獨淨施法  
至十一日復應如前法心生口言我此長衣  
從某甲取還然後更如前法受持淨施若對  
人淨施應作展轉淨施如前法捉衣作是念  
我此長衣於長老邊作淨施彼比丘應問言  
長老此衣於我邊作淨施我特與誰答言於  
五衆中隨意與之彼比丘卽應語信我今與  
某甲長老若須從彼取用好愛護之彼受作  
淨施比丘後以此事語所稱名比丘所稱名  
比丘恐犯長衣罪不敢受不知云何以是白  
佛佛以是事集比丘僧告諸比丘不應語所  
名比丘今爲諸比丘結戒從今是戒應如

說若比丘與比丘尼式又摩那沙弥  
沙弥尼淨施衣還奪波逸提比丘尼亦如是  
若與彼衣從索彼還而取不犯一十

弥沙塞部五分律卷第九

突壁上徒編髮上音邊薄合作藉直意反

曳衣逝上羊汲水上音響遠正蝦蟇音霞

嗅二同許亦作鞞醯下呼方反狼狽

下合躡地上音鞞掌兩徑來上定古珍玩取

反貫館音抄掠下式邏下賀反藉取

上才觀渠鎮珂王何反攘其羊而遺叅合

亦反空下蒲食噎下於雅背上直眴眼上詩殆

說若比丘與比丘尼式又摩那沙弥  
沙弥尼淨施衣還奪波逸提比丘尼亦如是  
若與彼衣從索彼還而取不犯

弥沙塞部五分律卷第九

卑

突壁

上徒

編髮

上音邊

編

合作辨

及

摻

直慮反

曳衣

上羊

汲水

上音

舉

正作

蝦

墓

音霞

嗅

輒

二同許

串

亦作

鞞

呼方反

狼狽

下合 躡

地存

音 鞞

兩反

徑來

上定反

珍玩

下

貫 館

音 抄

上音 鞞

反 式

邏

下郎

藉取

反

上才 觀

渠鎮

珂玉

上苦

攘其

上羊

遣

下七

空

下蒲

食

下於

背

上直

眴

上詩

殆



符諸  
含上鳥  
及

有諸  
含上鳥  
及獲  
甲上  
反



